

p. 765 L. 5【真觀等五】《法華經要解》卷 7：「其所以觀音脫苦。能施無畏。現形度生。皆五觀之力。故此結顯也。真以息妄。淨以治染。智以破惑。悲以拔苦。慈以與樂。以是五觀加被群迷故。妄染惑苦應念息滅。所以常願仰而依之。」(X30,p.355,a1-4)《法華經大窠》卷 7：「真觀下。以五觀合一品之旨。以真觀觀聲聞根。以清淨觀觀緣覺根。以廣大智慧觀觀菩薩根。以悲觀下合眾生。以慈觀上同諸佛。由菩薩具此五觀。觀此五根。念念不離。故當常常願得瞻仰。不可須臾生怠忽也。無垢下。申明五觀之義。以有真觀故得無垢光。有清淨觀故得清淨光。有智慧觀故得智慧日。由具此三種光明(治暗、法、依身光明)。故能破三種黑暗(不如實知諸法故，於去來今多生疑惑，於佛法等亦復如是。此中無明及疑，俱名黑暗)。能伏世間三災。而能普照三世間也。」(X31,p.818,b6-14)《法華經演義》卷 7：「觀能顯理故言真。又能破惑故言清淨。顯理而理無不顯。破惑而惑無不破。故言廣大智慧。此自行也。若化他之時。而欲運大悲以拔苦。亦不離此觀。故言悲。欲運大慈而與樂。亦不離此觀。故言慈也。如是則九界眾生。念念時時處處。願其垂應而瞻仰之。故言常願常瞻仰也。無垢二句頌智慧。蓋上言觀。此言智。觀無所觀。智為觀耳。所以云智慧觀。以今對上。則知五觀皆智慧也。」(X33,p.293a19-b2)

《觀音義疏記》卷 4：「初一行明本觀慈悲。有五，觀字皆去聲呼，具明三觀及以慈悲。真觀，空也。清淨觀，假也。假從空得，無見思染，故名清淨。又空唯自淨，假令他淨，故名清淨。又不思議假，三觀具足，離三惑染，故名清淨。廣大智慧觀，中也。雙遮雙照，無偏無待，即平等大慧也。此之三觀，或次第修，或不次修，無不皆以慈悲合運。而其慈悲皆稱觀者，其意有二：一者，慈悲是觀，如四無量心，名四種禪，禪即觀也。觀音乃以無緣慈悲，觀察眾生，名慈悲觀。二者，慈悲之法，必用三觀。良以三觀能成眾行，用三觀拔苦，故名悲觀；用三觀與樂，故名慈觀。故上文云：即時觀其音聲皆得解脫。豈非悲心用於三觀。雖有二解，體是一也。菩薩從初至于鄰極，三觀慈悲未始離念，故令眾生常願修此，常仰茲觀。疏解長行冥顯二應，因中合有本觀慈悲；後譯重頌果有其文，信智者言冥符佛意。」(T34,p.957, a3-20)【鄰極】如等覺位僅次於妙覺位(最高佛位)，稱為鄰極。又佛陀大弟子舍利弗有「鄰極亞聖」之稱。～《佛光大辭典》

p. 765 L. 6【證不思議中】《觀音經普門品重頌》卷 1：「廣大智慧即中道觀。徧於諸法名廣。勝出二邊名大。中道體即智慧。觀此體故名智慧觀。問：何以智慧名中體耶？答：順此經意。此經以寂照合法身為體。感應為宗(p.745:-2)。

2024/3/05

得作此說。三智實在一心中得。不可一異。」(X35,p.165,b24-c4)此云「觀此中道體，名智慧觀」，何況「證中道體」！此三皆云「不思議」者，一即三、三即一，一中有三、一遍於三故。

p. 765 L. 8【無垢清淨光明、慧日】《觀音義疏記》卷4：「三觀慈悲，因中立誓也。智光遍照，果上益物鑒機也。無垢淨光，照窮正性，察其本末；若其不破三惑諸暗、二死風火，何能普益二世間機。火災至初禪，喻同居生死。風災至三禪，喻實報生死。水災至二禪，喻方便生死。舉二不言水者，中可例知。」(T34,p.957,a21-26)《觀音經普門品重頌》卷1：「上二句明智光。次二句慈光。破暗照世(云云)。」(X35,p.165,c8)

p. 765 L. -4【悲體等】《法華經大窠》卷7：「悲體二句。申明慈悲二觀也。以有悲觀為體。警覺群生。正如戒雷之動萬物。以有慈觀為體。蔭覆羣生。亦如大雲普覆一切。由此二觀。如雷如雲。故能降平等一味甘露法雨。令彼群萌受潤。各滅煩惱。各證道果也。」(X31,p.818,b14-18)《觀音義疏記》卷4：「說雖在口。必假身意為授法本。初句者為法現形。本期救苦。故說法身名為悲體。」(T34,p.957,a27-29)《觀音經普門品重頌》卷1：「戒雷對身業。慈雲對意業。澍雨對口業。戒檢七支。身業為便。戒淨能拔三惡之苦。故名悲體。身輪現通。駭動羣情。復如雷震。內心愛念。名慈。普覆一切。如雲。無謀而應。逗會不差。復名為妙意業也。口輪演實相之法。為甘露雨。三草二木平等蒙潤。三惑熱惱為之清涼。」(X35,p.165,c11-16)

p. 765 L. -1【甘露法雨】《觀音義疏記》卷4：「甘露者。智者云。諸天不死之神藥也。所宣至理。解必無生。若匪無生。焉能不死。本性常法。非說那知。於慈雲中澍大法雨。眾生受者。三惑焰滅。以茲三普為入道門。故當別頌普門義也。」(T34,p.957,b4-8)

p. 766 L. 5【靜訟經官處】「經官」：同「經官動府」、「經官動詞」。涉訟。  
～《漢語大詞典》

p. 766 L. 5【三釋、加頌】參考 p.748：2-3。《觀音經普門品重頌》卷1：「由前口業居初。舉一攝二。所以特舉官訟軍陣者。水火難稀。鬼虎事寡。運衰方值。靜訟事眾。世之諍本。財色田宅。日用有之。勸持則要也。刀杖幽執。有過方遭。軍陣王役。事非由己。又搦力相持。自刃森目。刀杖案籍。賒死之難。賊奪有財。非如師旅。斯亦勸之要也。」(X35,p.165,c23-p.166,a4)【賒死】緩死。